

## Sak 5

# Endring av lov og styringsføresegner for Bergen ungdomslag Ervingen

### Endringsframelgg av lova

Oransje med strek = stryk frå dagens tekst

Raud = framlegg til ny tekst

## LOV FOR BERGEN UNGDOMSLAG ERVINGEN

### §1 FØREMÅL

Bergen Ungdomslag Ervingen, skipa 2. mars 2005, er ei vidareføring av Bondeungdomslaget Ervingen og Bondeungdomslaget i Bergen. Bergen Ungdomslag Ervingen er eit frilynt lag som arbeider for norsk mål og kultur.

Laget skal vera aktiv medspelar i utvikling av eit levande og godt miljø for alle aldersgrupper.

Laget er tilmeldt Noreg's Mållag og Noregs Ungdomslag og skal samarbeida med hovudorganisasjonane og nærskyldte lag. §

### §2 MEDLEMSKAP OG LAGSPENGAR

Medlemer i laget kan dei verta som vil fremja føremålet med laget, har fylt 14 år og betalar lagspengane. Røysterrett i laget får ein etter 3 månader som medlem.

Barn kan verta medlemer når dei betalar dei ~~fastesette~~ fastsette lagspengane for barnemedlemer. Barnemedlemer har ikkje røysterrett i laget.

**For å delta i særлага sine faste aktivitetar må ein vere medlem i laget og betale aktivitetsavgift.**

Rådet kan nemna ut heidersmedlemer etter framlegg frå styret.

Styret kan stryka medlemer som ikkje betalar lagspengane, motarbeider føremålet til laget, skadar laget eller ikkje vil retta seg etter lov og føresegner for laget. Slikt vedtak kan ankast inn for rådet.

### §3 ÅRSMØTE

Årsmøtet er høgste styringsmakta i laget. Det skal haldast årsmøte i laget kvart år, til vanleg innan 1. mars. Styret kallar inn til årsmøte og kunngjer saklista seinast 14 dagar før møtet. Saker til årsmøtet skal vera sendt til styret innan 1. desember.

Årsmøtet skal vedta lagslov, godkjenna styringsføresegner, fastsetja lagspengane og aktivitetsavgifta, ta stode til årsmelding, ettersett rekneskap, budsjett, arbeidsplan og andre saker som styret legg fram.

Årsmøtet skal velja styre, råd og gjera andre val i samsvar med styringsføresegnene.

Omframnt årsmøte skal haldast når årsmøtet, styret eller rådet i laget eller 1/3 av medlemene krev det. Styret kallar inn til omframnt årsmøte seinast 7 dagar føreåt ved rundskriv til medlemene.

### §4 STYRE OG RÅD

Laget har eit styre med 1 leiar og minst 4 medlemmer med minst 2 varamedlemmer. Laget har eit råd på 5 medlemmer med 2 varamedlemmer. Rådet skal følgja med i alle økonomiske spørsmål som vedkjem laget, ha tilsyn med laget sine eignelutar og elles vera eit rådgjevande og kontrollerande organ for laget.

### §5 SÆRLAG OG NEMNDER

Laget kan ha særslag og nemnder til å ta seg av særskilde oppgåver. Særlaga skal alltid arbeida i samråd med styret.

### §6 RUSFRITT MILJØ

~~Ingen skal nytta rusdrykk eller andre rusgifter på samkomer i laget.~~

Alle møteplassar i laget skal vere rusfrie.

### §7 OPPLØYSING

Oppløysing av laget krev vedtak på 2 vanlege påfølgjande årsmøte med minst eitt års mellomrom med minst 2/3 fleirtal. Dersom eit mindretal på minst 1/3 av medlemene over 14 år vil halda fram med det gamle lagsnamnet og etter dei det gamle føremålet, tek dette mindretalet over namnet og eiga til laget. Slikt krav må sendast styret innan 6 månader etter vedtak på første årsmøte.

Dersom laget ikkje har halde årsmøte og sendt årsmelding 3 år etter kvarandre, skal det reknast som oppløyst.

~~Sluttar laget skal Hordaland Mållag og Hordaland Ungdomslag ta vare på og forvalta eiga i 15 år, og i denne tida freista å få laget i gang att. Lukkast ikkje dette, skal desse laga nytta medelen i samsvar med føremålet i § 1.~~

Blir laget lagt ned, skal styret i Noregs Ungdomslag sørge for at eventuell formue blir nytta til å slette gjeld. Eventuell restformue etter dette skal bli nytta til beste for ungdoms- og kulturarbeid på staden. Om styret ikkje gjennomfører oppløysing av laget innan 6 månadar etter nedlegginga, skal Noregs Ungdomslag gjennomføre oppløysinga. Medlemmane i laget har ikkje krav på medel eller delar av desse.

### **§8 ENDRINGAR I LAGSLOVA OG STYRINGSFØRESEGNAR**

Denne lova kan endrast på eit vanleg årsmøte når 2/3 av dei frammøtte er samde i det. Endring i § 1, 7 og 8 krev slikt vedtak 2 år etter einannan.

Styringsføresegnene for laget kan endrast av eit årsmøte med vanleg fleirtal.

Framlegg til endringar i lov og styringsføresegner skal sendast skriftleg til medlemmene minst ein månad før årsmøtet.

---

### **Note til §7**

Gjeldane lov for Bergen ungdomslag Ervingen er i strid med Noregs Ungdomslag si mønsterlov for lokallag. Ny lovtekst er i tråd den gjeldande mønsterlov for lokallag for Noregs Ungdomslag og Noregs Mållag.

## Endringsframelgg av føresegner

Oransje med strek = stryk frå dagens tekst

Raud = framelgg til ny tekst

### STYRINGSFØRESEGNER FOR BERGEN UNGDOMSLAG ERVINGEN

Vedtekne på skipingsmøte 2. mars 2005, endra på årsmøte 15. februar 2006, omframt årsmøte 18. juni 2008, årsmøte 12. februar 2014, årsmøte 18. februar 2015, årsmøte 20. februar 2018, årsmøte 20. februar 2019 og årsmøtet 08. mars 2023.

*Bygde på styringsføresegner for Bondeungdomslaget i Bergen og Bondeungdomslaget Ervingen, men korrigererte for ny organisering.*

#### §1 Lagsarbeidet

Laget vil arbeida med oppgåver i samsvar med §1 i lagslova. Prinsippprogrammet til Noregs Ungdomslag og norsk målreising bygd på prinsippprogrammet til Noregs Mållag skal vera grunnlag for lagsarbeidet.

#### §2 Laget er med i

Noregs Ungdomslag gjennom Hordaland Ungdomslag, Noregs Mållag gjennom Hordaland Mållag, og Bygdelagsnemndi i Bergen.

Laget kan også vera med i og samarbeida med andre organisasjonar. I samråd med rådet kan lagsstyret eller fonds- og eigedomsstyret melda laget inn eller ut av slike organisasjonar.

#### §3 Årsmøtet

Årsmøte og omframt årsmøte skal haldast og kunngjerast i samsvar med § 3 i lagslova. Innkalling med sakliste skal sendast kvar einskild medlem. Berre saker som står på saklista kan takast opp til avgjerd på årsmøtet.

Årsmøtet vel: Lagsstyre og leiar i lagsstyret, råd og leiar i rådet, styre for særslag og nemnder, fonds- og eigedomsstyre, ettersynsfolk, valnemnd, og gjer elles alle val som årsmøtet pålegg.

Årsmøtet vel også utsendingar til årsmøta i Noregs Mållag, Hordaland Mållag, Noregs Ungdomslag og Hordaland Ungdomslag

#### §4 Styret

Styret skal samordna alt lagsarbeid og har ansvaret for at lagsarbeidet er organisert på ein forsvarleg måte. Det ser til at dagleg leiing, særslag og nemnder arbeider i samsvar med lover, føresegner og retningsliner for drifta. Styret har ansvaret for driftsøkonomien i laget.

Styret er ansvarleg for alle tilskipingar når lagsnamnet vert nytta. Når styret finn det tenleg, kan tillitsfolk og andre lagsfolk kallast inn til samråding.

Styret er vedtaksført når minst 4 er til stades. 1. varamedlem skal kallast inn til styremøte, men er utan røysterett når alle er til stades.

Styret er ansvarleg for at årsmelding, årsrekneskap og budsjettframlegg for lagsdrifta, inkludert særslag og nemnder, vert sende til rådet for uttale i god tid før årsmøtet.

Styret set opp sakliste for årsmøtet og legg fram årsmelding, rekneskap og budsjettframlegg.

Styret kan tilsetja dagleg leiar/administrativt personale.

Arbeidsinstruks og tilsetjing/arbeidsavtale skal godkjennast av rådet.

Styret har personalansvar for alle tilsette.

Styret skal ha leiar, nestleiar, økonomiansvarleg(e), PR- og rekrutteringsansvarleg(e) og tilskipingsansvarleg(e).

Styret har ansvaret for drift og vedlikehald av egedomen Eidsholmen i Fana.

*Lagshytta Eidsholmen* kan brukast til ulike arrangement og samkomer i laget. Når lagshytta er ledig, kan ho leigast ut til andre.

## **§5 Rådet**

Rådet skal vera eit kontrollerande og rådgjevande organ.

Rådet skal ha leiar og 4 medlemmer med 2 varamedlemmer. Alle som sit i rådet, må ha vore med i laget i minst 2 år og kan ikkje samstundes vera medlem / varamedlem i lagsstyret, fonds- og egedomsstyret eller i styra for lagsbruka. Leiar i lagsstyret møter fast på rådet sine møte, men er ikkje medlem. Rådet er vedtaksført når minst 4 rådsmedlemmer er til stades.

Rådet sine oppgåver er å:

- ha tilsyn med lagsstyret, dagleg leiar, fonds- og eigedomsstyret og eigarinteressene i lagsbruka
- gje tilråding om årsmelding, årsrekneskap og budsjett frå lagsstyret og fonds- og eigedomsstyret
- gje tilråding om endringar i lover og styringsføresegner
- godkjenna tilsetjingar og tenesteføresegner
- kunna gje tilråding i viktige saker som skal fram for årsmøtet
- kunna gjera vedtak i andre saker når lagsstyret eller fonds- og eigedomsstyret ikkje er vedtaksføre

## §6 Særlag og nemnder

Særlag og nemnder skal arbeida i samsvar med føremålet til laget og i nært samarbeid med lagsstyret. Ingen kan vera medlem i særlag og nemnder utan å vera medlem i hovudlaget.

Kvart år skal særlag og nemnder senda årsmelding til lagsstyret.

Laget har desse særlaga og nemndene:

- *Folkedanslaget* skal arbeida med folkelege norske dansetradisjonar som bygdedans, turdans, runddans og songdans. Styret i folkedanslaget skal ha leiar og 4 medlemmer.
- *Ungdomsgruppa* skal arbeida med vanlege lagsaktivitetar som folkedans, musikk, teater o.a. tilpassa alderstrinnet. Styret skal ha leiar og 2 medlemmer.
- *Barnelaget* skal driva med lagsaktivitetar tilpassa for barn. Foreldra bør ta del i arbeidet, og ein må syta for samkomer der foreldra kan vera til stades. Styret i barnelaget skal ha leiar og 2 medlemmer. Desse må enten vera medlemmer i laget eller føresette for barn i barnelaget.
- *Audhilds* skal ha som føremål å dyrke og ta vare på dei lokale speltradisjonane. Audhilds skal drive opplæringsarbeid, vera ein møteplass for spelemenn og ta opp spørsmål som er aktuelle for dette arbeidsfeltet. Medlemene i særlaget skal vera medlemmer av FolkOrg. Styret skal ha leiar og 2 medlemmer. Leiar er kontaktperson til FolkOrg
- *Juniorspelemannslaget* skal driva spelemannslag for barn med tilhøyrande opplæringsarbeid. Medlemene i særlaget skal vera medlemmer av FolkOrg. Styret skal ha leiar og 2 medlemmer. Desse må anten vera medlemmer i laget eller føresette for barn i juniorspelemannslaget. Leiar er kontaktperson til FolkOrg.
- *Kvedargruppa* skal arbeida med vokal folkemusikk. Kvedargruppa skal styrast av ein eller fleire medlemmer frå gruppa, og vel desse sjølve.
- *Songkoret "Kor e' tonen"* skal vera eit tilbod for korinteresserte i Bergen. Koret har som mål å søka utvikling og å syna breidde musikalsk. ~~Styret skal ha 3 medlemmer og 2 varamedlemmer, og konstituerer seg sjølv.~~ Styret i koret skal ha leiar og 2 medlemmar og 2 varameldemar. Dirigenten skal ikkje vera med i styret, men ~~bør møta på styremøta.~~ har møterett på styremøte og kan kallast inn av styret.

- *Hyttenemnda* står for organisering av det praktiske arbeidet med hytta og organiserer dugnadsarbeidet. Nemnda skal ha leiar og 2 medlemmer.

Særlega kjem med framlegg til valnemnda, på kandidatar til eigne særlagsstyre.

## §7 Fonds- og eigedomsstyret

Fonds- og eigedomsstyret skal ha leiar og 4 medlemmer.

Fonds- og eigedomsstyret har forvaltningsansvaret for alle fond og verdipapir i laget. Styret skal vera laget sin kontakt med lagsbruka og representera laget på årsmøtet i lagsbruka og i andre tiltak der laget har økonomiske interesser.

Disposisjonar som kan vera vesentlege for fond eller eigedomar grunna storleik eller risiko, skal leggjast fram for rådet. Fonds- og eigedomsstyret og rådet skal vera samde før vedtak vert gjort, elles må saka leggjast fram for årsmøtet.

Laget har dette fondet:

*Reservefondet* er skipa i 2008 etter årsmøtevedtak i Bergen ungdomslag Ervingen. Fondet er slått saman av Selsvikfondet, skipa i 1988 og endra i 2006, og Eigedomsfondet, skipa i 1990. Reservefondet har eigne vedtekter.

## §8 Ettersynsfolk

2 ettersynsfolk med 1 varamedlem skal revidera alle rekneskap i laget og skriva revisjonsmelding. Dei skal få lagt fram alle bøker, bilag og opplysningar dei finn **turvande nødvendige** for dette arbeidet. Ettersynsfolka kan ikkje veljast inn i verv som medfører rekneskap for laget.

## §9 Valnemnda

Valnemnda skal ha 5 medlemmer. Minst 3 månader før årsmøtet ser lagsstyret til at valnemnda kjem i arbeid. Nemnda kjem med framlegg til alle val på årsmøtet. I tilrådinga skal valnemnda ta omsyn til kjønnsfordeling av verv.

## §10 Representasjon og fullmakter

Styret representerer laget i alt som har med lagsdrifta å gjera. Likevel kan særslag og nemnder representera laget innanfor sine arbeidsfelt. Styreleiar har prokura for det som har med lagsdrifta å gjera. Styret kan også tildela prokura for sitt område til personar i den daglege leiinga eller til andre i laget (sjå §4 Styret).

Fonds- og eideomsstyret representerer laget innanfor sitt arbeidsfelt. For større og/eller risikoprega disposisjonar trengst likevel rådet sitt samtykke (sjå §6 Rådet og §7 Fonds- og eideomsstyret).

Signatur er tildelt to styremedlemmer og ein medlem av Fonds- og eideomsstyret i fellesskap. Kjøp, sal og pantsetjing av eideom må vedtakast av eit årsmøte. Same årsmøtet må også gje nødvendig fullmakt til styre eller enkeltpersonar til å gjennomføre vedtaket.

### **§11 Røysting, funksjonstid og utfyllingsval**

Alle vedtak vert gjorde med vanleg fleirtal om ikkje anna er sagt. Dobbeltøyst til leiar eller andre skal ikkje nyttast.

Alle leiarar i styre, råd og nemnder skal veljast for eitt år om ikkje anna er sagt. Det same gjeld varamedlemmer og utsendingar. Alle andre medlemmer i styre, råd eller nemnder skal veljast for 2 år. Om mogeleg skal dette gjerast på ein slik måte at halvparten står på val kvart år.

Dersom tillitsfolk valde for to år må slutta før funksjonstida er ute, kan det haldast utfyllingsval for resten av funksjonstida.

Når det trengst, har styret fullmakt til å finna nye tillitsfolk fram til neste årsmøte.

Ingen kan ha samanhengande funksjonstid i same tillitsverv lenger enn i 12 år.